



# **basic education**

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BORARO (P3)**

**NGWANAITSEELE 2017**

**MEMORANTAMO**

**MADUO: 100**

**Memorantamo o, o na le ditsebe di le 14.**

**KAROLO YA A: RUBORIKI YA GO TSHWAYA TLHAMO – PUO YA GAE [50 MADUO]****ELA TLHOKO:**

- Dirisa ruboriki ka gale fa o tshwaya tlhamo ya boitlhamedi (Pampiri 3 KAROLO YA A).
- Maduo a go tloga go 0–50 a arogantswe ka maemo a le 5 a dithhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le dithhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

| Ditlhokego                                                                                                                              |                      | Phitlhelelo ka dinaledi                                                                                                                                                                                                                               | Phitlhelelo ka matsetseleko                                                                                                                                                                                | Phitlhelelo ka tekano                                                                                                                                                                                 | Phitlhelelo e e tlhaelang                                                                                                                             | Ga a fitlhelela                                                                                                                                                             |
|-----------------------------------------------------------------------------------------------------------------------------------------|----------------------|-------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------|
| DITENG LE IPAAKANYO<br><br>(Tsibogelo le dikakanyo)<br>Thulaganyo ya dikakanyo tsa ipaakanyo<br>Temogo ya maithomo, baamogedi, le bokao | Maemo a a kwa godimo | 28–30                                                                                                                                                                                                                                                 | 22–24                                                                                                                                                                                                      | 16–18                                                                                                                                                                                                 | 10–12                                                                                                                                                 | 4–6                                                                                                                                                                         |
|                                                                                                                                         |                      | -Tsibogelo ya maemo a a kwa godimo go gaisa a a tlwaelegileng<br>-Dikakanyo tse di botlhale, tse di gwethhang mogopololo le go supa kgolo<br>-E rulagantswe le go lomagana ka maemo a dinaledi go tsenyeletsa matseno, mmele le bokhutlo              | -Tsibogelo e e tlhamilweng ka matsetseleko<br>-Dikakanyo tse di maleba tota gape di kgatlhisla le bosupi jwa kgolo<br>-E rulagantswe bontle thata le go lomagana go tsenyeletsa matseno, mmele le bokhutlo | -Tsibogelo e e itumedisang<br>-Dikakanyo di lomagane mo go tlhaloganyegang e bile go kgotsofatsa<br>-E rulagane le go lomagana mo go tlhaloganyegang go tsenyeletsa matseno, mmele le bokhutlo        | -Tsibogelo ya tomagano e e sa tlhomamang<br>-Dikakanyo tse di sa tlhapang e bile di se na boitlhamedi<br>-Bosupi jo bonnye jwa thulaganyo le tomagano | -Tsibogelo e e seng maleba gotlhelele<br>-Dikakanyo tse di tlhakatlhakaneng le go tlhoka tsepamo<br>-Di gasagane le go boelediwa<br>-Ga e a rulagana e bile ga e a lomagana |
| 30 MADUO                                                                                                                                | Maemo a a kwa tlase  | 25–27                                                                                                                                                                                                                                                 | 19–21                                                                                                                                                                                                      | 13–15                                                                                                                                                                                                 | 7–9                                                                                                                                                   | 0–3                                                                                                                                                                         |
|                                                                                                                                         |                      | -Tsibogelo e e manontlhotlhomo mme e tlhaela ditlhokego tse di tsibosang tsa tlhamo ya maemo a dinaledi<br>-Dikakanyo tse di botlhale e bile di supa kgolo<br>-E rulagantswe ka matsetseleko le ka tomagano go tsenyeletsa matseno, mmele le bokhutlo | -Tsibogelo e e tlhamilweng ka matsetseleko<br>-Dikakanyo tse di maleba gape di kgatlhisla<br>-E rulagantswe bontle le go lomagana go tsenyeletsa matseno, mmele le bokhutlo                                | -Tsibogelo e e itumedisang mme e lathegelwa ke go tlhaloganyesega<br>-Dikakanyo di lomagane le go kgotsofatsa<br>-Maemo a a rileng a thulaganyo le tomagano go tsenyeletsa matseno, mmele le bokhutlo | -Bogolo jwa tsibogelo ga bo maleba<br>-Dikakanyo tse di sa lomaganeng e bile di tlhakathakane<br>-Ga go na bosupi jwa thulaganyo le tomagano          | -Ga go na maiteko a go tsibogela setlhogo<br>-Dikakanyo tse di seng maleba e bile di sa siama gotlhelele<br>-Ipaakanyo e e sa tsepamang e bile e tlhakatlhakaneng           |

| Ditlhokego                                                                                                                                                                                                                                |                             | Phitlhelelo ka dinaledi                                                                                                                                                                                                                                                                                                                                               | Phitlhelelo ka matsetseleko                                                                                                                                                                                                                                        | Phitlhelelo ka tekano                                                                                                                                                                                                                       | Phitlhelelo e e tlhaelang                                                                                                                                                                                                                                                | Ga a fitlhelela                                                                                                                                                                                                   |
|-------------------------------------------------------------------------------------------------------------------------------------------------------------------------------------------------------------------------------------------|-----------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------|
| <b>PUO, SETAELE LE GO TSELEGANYA/ RUNA</b><br><br>Segalo, rejisetara, setaele, tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto | <b>Maemo a a kwa godimo</b> | <b>14–15</b><br><br>-Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo<br>-Puo e e tlhololo, e itumedisa ka maemo a a tlhaolegileng<br>-Segalo se se nang le maikaelelo a a tlhotlheletsang<br>-Ga go na diphoso tsa thutapuo le tsa mopeleto ka gotlhe<br>-Puo e e manontlhotlho ya maemo a a kwa godimo | <b>11–12</b><br><br>-Segalo, rejisetara, setaele le tlotlofoko di maleba thata le maikaelelo, baamogedi le bokao<br>-Puo e nonofile le tiriso ya segalo e maleba<br>-Bogolo jwa yona ga bo na diphoso tsa thutapuo le mopeleto<br>-Puo e tlhamilwe ka matsetseleko | <b>8–9</b><br><br>-Segalo, rejisetara, setaele le tlotlofoko di maleba le maikaelelo, baamogedi le bokao<br>-Tiriso e e maleba ya puo go tlhagisa bokao<br>-Segalo se maleba<br>-Tiriso ya malepa a a tlhotlheletsang ya go tlhagisa diteng | <b>5–6</b><br><br>-Segalo, rejisetara, setaele le tlotlofoko bomaleba jwa tsona bo kwa tlase ga maikaelelo, baamogedi le bokao<br>-Tiriso ya puo ke ya maemo a motheo thata<br>-Segalo, tlhopho le tiriso ya mafoko e e sang maleba<br>-Tlotlofoko e lekanyeditswe thata | <b>0–3</b><br><br>-Segalo, rejisetara, setaele le tlotlofoko ga di maleba le maikaelelo, baamogedi le bokao<br>-Puo ga e tlhaloganyesenge<br>-Tlotlofoko e nnye thata mme e dira gore go nne thata go tlhaloganya |
|                                                                                                                                                                                                                                           |                             | <b>13</b><br><br>-Puo e e matsetseleko ya tlhotlheletso e e nonofileng mo segalong<br>-Ga e na diphoso tsa thutapuo le tsa mopeleto ka gotlhe<br>-E tlhamilwe ka manontlhotlho                                                                                                                                                                                        | <b>10</b><br><br>-Puo e e ngokang e bile e nonofile ka kakaretso<br>-Segalo se se siameng se nonofile<br>-Diphoso tse di mmalwa tsa thutapuo le mopeleto<br>-E tlhamilwe bontle                                                                                    | <b>7</b><br><br>-Tiriso ya puo e e mo magareng, ka go tlhoka tsepamo<br>-Segalo se siame ka kakaretso le tiriso e e lekanyeditsweng ya malepa a tlhotlheletso                                                                               | <b>4</b><br><br>-Tiriso e e bokoa ya puo<br>-Mefuta ya dipolelo e mennye kgotsa ga e teng gotlhelele<br>-Tlotlofoko e e lekanyeditsweng tota                                                                                                                             |                                                                                                                                                                                                                   |
| <b>KAGEGO</b><br><br>Diponagalo tsa setlhanga<br>Kago ya ditemana le go tlhangwa ga dipolelo<br><b>5 MADUO</b>                                                                                                                            | <b>Maemo a a kwa tlase</b>  | <b>5</b><br><br>-Kago e e manontlhotlho ya setlhogo<br>-Dintlhana tse di tlhaolegileng<br>-Dipolelo, ditemana di bopilwe bontle                                                                                                                                                                                                                                       | <b>4</b><br><br>-Kago e e latelanang ya dintlhana<br>-Lomagane<br>-Dipolelo, ditemana, di latelana, di a farologana                                                                                                                                                | <b>3</b><br><br>-Kago ya dintlhana tse di maleba<br>-Dipolelo, ditemana tse di bopilweng sentle<br>-Tlhamo e sa ntse e na le tlhaloganyo                                                                                                    | <b>2</b><br><br>-Go na le dintlha dingwe tse di amogelesegang<br>-Dipolelo le ditemana di fosagetse<br>-Tlhamo e sa ntse e na le tlhaloganyo                                                                                                                             | <b>0–1</b><br><br>-Dintlha tse di botlhokwa di a tlhaela<br>-Dipolelo le ditemana di fosagetse<br>-Tlhamo e tlhoka tlhaloganyo                                                                                    |
|                                                                                                                                                                                                                                           |                             |                                                                                                                                                                                                                                                                                                                                                                       |                                                                                                                                                                                                                                                                    |                                                                                                                                                                                                                                             |                                                                                                                                                                                                                                                                          |                                                                                                                                                                                                                   |

**RUBORIKI YA TLHATLHOBO YA SETLHANGWA SA TIRISANO – PUO YA GAE [25 MADUO]**

| Ditlhokego                                                                                                                                                                                                                                                                        | Phitlhelelo ka dinaledi                                                                                                                                                                                                                                                                                                                                                                                                               | Phitlhelelo ka matsetseleko                                                                                                                                                                                                                                                                                                          | Phitlhelelo ka tekano                                                                                                                                                                                                                                                                                                                                                                    | Phitlhelelo e e tlhaelang                                                                                                                                                                                                                                                                                                                                                                                  | Ga a fitlhelela                                                                                                                                                                                                                                                                                                                                      |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>DITENG,<br/>THULAGANYO LE<br/>SEBOPEGO</b><br><br>Tsibogelo le dikakanyo<br>Kokoanyo ya dikakanyo<br>gore go rulaganngwe<br>Maitlhomo, baamogedi,<br>diponagalo/melawana le<br>tiriso<br><br><b>MADUO 15</b>                                                                   | <b>13–15</b><br><br>-Tsibogelo ya maemo a a<br>kwa godimo go gaisa se<br>se lebeletsweng ka gale<br>-Dikakanyo tse di botlhale,<br>tse di gamogileng<br>-Kitso e e tseneletseng ya<br>diponagalo tsa mofuta wa<br>setlhangwa<br>-Kwalo e e tsepameng<br>-Diteng le dikakanyo di<br>lomagane<br>-Tlhaloso ya maemo a a<br>kwa godimo e bile dintlha<br>tsotlhe di tshegetsa<br>setlhogo<br>-Sebopego se se maleba<br>gape se nepagetse | <b>10–12</b><br><br>-Tsibogelo e ntle tota e e<br>bontshang kitso e ntle ya<br>diponagalo tsa mofuta wa<br>setlhangwa<br>-E tsepame – ga e a<br>fapoga setlhogo<br>-Diteng le dikakanyo di<br>lomagane, dintlha tse di<br>thadisitsweng sentle gape<br>di tshegetsa setlhogo<br>-Sebopego se se<br>lolameng ka diphoso tse<br>dinnye | <b>7–9</b><br><br>-Tsibogelo e e lekaneng<br>e e bontshang kitso ya<br>diponagalo tsa mofuta<br>wa setlhangwa<br>-Ga e a tsepama ka<br>gotthe – go na le go eta<br>e fapoga mo setlhogong<br>-Diteng le dikakanyo di<br>lomagane mo go<br>utlwlang<br>-Dintlha dingwe di<br>tshegetsa setlhogo<br>-Sebopego se se<br>maleba ka kakaretso<br>fela go na le go sa<br>nepagale go go rileng | <b>4–6</b><br><br>-Tsibogelo e e kwa tlase e<br>e supang kitso ya<br>diponagalo tsa mofuta wa<br>setlhangwa<br>-Go na le tsepamo e e<br>rileng mme kwalo e<br>fapogile setlhogo<br>-Diteng le dikakanyo ga di<br>lomagane ka gale. Ke<br>dintlha tse di mmalwa tse<br>di tshegetsang setlhogo<br>-Tiriso e e phathalaetseng<br>ya melawana ya<br>sebopego<br>-Go tlodisiwa ga matlho<br>go go tseneletseng | <b>0–3</b><br><br>-Tsibogelo e senola go<br>tlhoka kitso ya diponagalo<br>tsa mofuta wa setlhangwa<br>-Bokao jo bo<br>kgoreletsegileng ka go<br>fapoga setlhogo go go<br>feteletseng<br>-Ga go na tomagano ya<br>diteng le dikakanyo<br>-Ke dintlha di le mmalwa<br>fela tse di tshegetsang<br>setlhogo<br>-Ga go a dirisiwa melawana<br>ya sebopego |
| <b>PUO, SETAELE LE GO<br/>TSELEGANYA/RUNA</b><br><br>Segalo, rejisetara, setaele<br>le tlollofoko tse di maleba<br>thatathata le maitlhomo,<br>baamogedi le tiriso<br>Tiriso ya puo le<br>melawana<br>Tlhopho ya mafoko<br>Matshwao a puiso le<br>mopeleto<br><br><b>MADUO 10</b> | <b>9–10</b><br><br>-Segalo, rejisetara, setaele<br>le tlollofoko tse di maleba<br>thatathata le maitlhomo,<br>baamogedi le tiriso<br>-Thutapuo e nepagetse e<br>bile e agegile sentle<br>-E e se nang diphoso<br>gotlhelele                                                                                                                                                                                                           | <b>7–8</b><br><br>-Segalo, rejisetara,<br>setaele le tlollofoko tse di<br>maleba thata le<br>maitlhomo, baamogedi le<br>tiriso<br>-Thutapuo e nepagetse ka<br>kakaretso e bile e agegile<br>sentle<br>-Tlollofoko e e siameng<br>tota<br>-Bogolo ga go na diphoso                                                                    | <b>5–6</b><br><br>-Segalo, rejisetara,<br>setaele le tlollofoko di<br>maleba le maitlhomo,<br>baamogedi le tiriso<br>-Go diphoso dingwe tsa<br>thutapuo<br>-Tlollofoko e e lekaneng<br>-Diphoso ga di<br>kgoreletse bokao                                                                                                                                                                | <b>3–4</b><br><br>-Segalo, rejisetara,<br>setaele le tlollofoko di<br>fosagetse go le gonne<br>go maitlhomo, baamogedi<br>le tiriso<br>-Thutapuo e e sa<br>lolamang ka diphoso tse<br>dintsi<br>-Tlollofoko e e<br>lekanedyitsweng<br>-Bokao bo kgoreletsegile<br>tota                                                                                                                                     | <b>0–2</b><br><br>-Segalo, rejisetara, setaele,<br>tlollofoko ga di tsamaisane<br>le maitlhomo, baamogedi le<br>tiriso<br>-E phephetha ka diphoso<br>gape e tlhakatlhakane<br>-Tlollofoko ga e maleba go<br>maitlhomo<br>-Bokao bo kgoreletsegile<br>tota                                                                                            |

**KAROLO YA A: TLHAMO****POTSO 1****1.1 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Bopelotshetlha ga bo duele.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo.**

- Ditiragalo di tshwanetse go latelana gentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka bottlalo jaaka pono, modumo, monko/monkgo le tiriso ya ditemosi tse dingwe
- Go tshwanetswe ga elwa tlhoko gore mofuta o wa tlhamo o a tlhalosa (anela).

**Se se lebeletsweng mo motlhathojweng:**

- Setlhogo se a ithophetseng sona.
- Tlhaloso ya setlhogo
- Tlhagiso ya ditiragalo tsa bopelotshetlha.
- Tlhagiso ya ditlamorago tse di fitlisang mo tshwetsong ya gore bopelotshetlha ga bo duele.
- Tshobokanyo ya dintlha.

[50]

**1.2 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Maraganelateng a bana ba mpa ga a tsenwe.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo.**

- Ditiragalo di tshwanetse go latelana gentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.

- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa (anel).

**Se se lebeletsweng mo motlhatlhøjweng:**

- Setlhogo se a itlhophetseng sona.
- Tlhaloso ya setlhogo.
- A tlhagise ditiragalo tse di senolang bonnete jwa setlhogo se.
- Tlhogiso ya ditlamorago tsa go tsena dintwa/dikgotlhäng tsa bana ba mpa.
- Bokhutlo jo bo maleba.

[50]

### 1.3 **Tlhamo ya maitlhomo**

Mo mofuteng o wa tlhamo motlhatlhøjwa o leba kakanyo, a bo a tlhagisa maikutlo/tsibogo ya gagwe. Motlhatlhøjwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhomo a gagwe.

Sekao sa setlhogo: **Fa nka falola marematlou ka dinaledi ...**

**Dintlha tse di latelang di tshwanetse go elwa tlhoko fa go tshwaiwa tlhamo ya maitlhomo:**

- Tlhamo ya maitlhomo e tseye letlhakore.
- Maikutlo a nne le seabe sa botlhokwa.
- Karolo e kgolo mo tlhamong e ka tlhalosa. Ditslhoso di tshwanetse go bonala, maikaelelo e le go tlhagisa gape maikutlo a mothatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

**Se se lebeletsweng mo motlhatlhøjweng:**

- Setlhogo se a itlhophetseng sona.
- Tlhaloso ya setlhogo.
- A tlhagise boitumelo jwa dipholo ka dinaledi.
- A ka eta a ama dikungwelo tse di ka tlang ka ntlha ya dipholo.
- Tlhamo e tlhagise ditiragalo le diphitlheleno tse di bonweng ka ntlha ya dipholo.
- Bokhutlo jo bo maleba.

[50]

## 1.4 Tlhamo ya tlhaloso

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Boleng jwa ranta ke tlhobaboroko.**

**Dintla tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhathhojwa o tshwanetse go bopa setshwantsho ka mafoko a a filweng.
- Motlhathhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololedi go tiisa kgang/ tiragalo.
- Motlhathhojwa a bontshe fa a na le maitemogelo mo setlhogong se.

**Se se lebeletsweng mo motlhathhojweng:**

- Setlhogo se a ithophetseng sona.
- Tlhaloso ya setlhogo.
- A tlhagise ditiragalo tse di amang boleng jwa ranta.
- A tlhagise ditlamorago tsa boleng jwa ranta mo loagong le mo ikonoming.
- Tshobokanyo ya dintla.

[50]

## 1.5 Tlhamo e e sa tseyeng letlhakore

Mofuta o wa tlhamo o tlhagisa ngangisano e e lekalekanang go emela kgotsa go nna kgathhanong le sengwe se setlhogo se buang ka ga sona, kemo ya mokwadi e tlhagisiwa fela kwa bokhutlong.

Sekao sa setlhogo: **Serutwa sa Setswana se tshwanetse go tsewa tsia jaaka dirutwa tse dingwe.**

**Dintla tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore.**

- Tlhamo e itshupe ka go lekalekana, e se tseye letlhakore.
- E tlhagise matlhakore a mabedi a a farologaneng a ngangisano e e rileng.
- E lebelele kemo ya botlhe, fela mokwadi a itebelele ka dinako dingwe
- Puo e nne e e tsosang maikutlo.
- Ngangisano e dire tlhaloganyo e e utlwlang.
- Bokhutlo bo supe kemo ya mokwadi.

**Se se lebeletsweng mo motlhathhojweng:**

- Setlhogo se a ithophetseng sona.
- Tlhaloso ya setlhogo.
- A tlhagise boleng jwa Setswana jaaka serutwa.
- Tlhogiso ya ditiragalo tse di amang serutwa se le botlhokwa jwa go lekanngwa le go sa lekanngwe ga sona le dirutwa tse dingwe.
- Tlhogiso ya ditlamorago tsa go lekanngwa le go sa lekanngwe ga Setswana le dirutwa tse dingwe.
- Tshobokanyo ya dintla.

[50]

## 1.6 Tlhamo ya ngangisano

Mo tlhamong e, motlhatlhojwa o tlhagisa kakanyo, ntlhakemo mme a nganga ka maitlhomo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Setso mo malatsing ano, ke kgomo ya mošate. Dumela kgotsa o ganetsa.**

**Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:**

- Motlhatlhojwa a simolole ka go tlhagisa ntlhakemo ya gagwe go bontsha boitshimololedi.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang mme e pateletse mmuisi go dumelana le tse di tlhagisitsweng. Tlhamo ya mofuta o, e kwalwe ka pakajaanong.

**Se se lebeletsweng mo motlhatlhojweng:**

- Setlhogo se a itlhophetseng sona.
- Tlhamo e tseye letlhakore la go dumela kgotsa go ganetsa.
- Tltagiso ya go diragadiwa kgotsa go sa diragadiwe ga setso.
- A tlhagise monate le makoa a go diragadiwa le go sa diragadiwe ga setso.
- Tltagiso ya ntlhakemo ya motlhatlhojwa ka setlhogo.
- Thotloetso go tsweletsa pele go diragatsa kgotsa go sa diragatse setso.
- Tshobokanyo e e tlhagisang ntlhakemo ya motlhatlhojwa.

[50]

### 1.7.1 **Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho**.

#### **Dintla tse di latelang di tshwanetse go elwa tlhoko fa go tshwaiwa tlhamo ya kanelo.**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntla e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa (anelo).
- Bokhutlo e nne jo bo kgodisang.

### **Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega..

Sekao sa setlhogo: **Setshwantsho**.

#### **Dintla tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhathhojwa o tshwanetse go bopa setshwantsho ka mafoko a a filweng.
- Motlhathhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololedi go tiisa kgang/ tiragalo.
- Motlhathhojwa a bontshe fa a na le maitemogelo mo setshwantshong se.

#### **Se se lebeletsweng go tswa mo motlhathhojweng:**

- Setlhogo se se nyalanang le setshwantsho se a itlhopseng sona.
- Tlhaloso ya setlhogo.
- A tlhalose ditiragalo tsa tlhaelo kgotsa tlhokagalo ya metsi.
- Thotloetso go baagi go somarela metsi le go efoga se se diragalang mo setshwantshong.
- Bokhutlo bo supe maikutlo a gagwe.

[50]

### 1.7.2 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho**.

#### **Dintlha tse di latelang di tshwanetse go elwa tlhoko fa go tshwaiwa tlhamo ya kanelo.**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko /monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa (anel).
- Bokhutlo e nne jo bo kgodisang.

### Tlhamo ya tlhaloso

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho**.

#### **Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhathhojwa o tshwanetse go bopa setshwantsho ka mafoko a a filweng.
- Motlhathhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololedi go tiisa kgang/tiragalo.
- Motlhathhojwa a bontshe fa a na le maitemogelo mo setshwantshong se.

#### **Se se lebeletsweng go tswa mo motlhathlweng:**

- Setlhogo se se nyalanang le setshwantsho se a itlhopseng sona.
- Tlhaloso ya setlhogo.
- A tlhagise ditiragalo le mabaka a tse di amanang le tse di tlhagelelang mo setshwantshong.
- A tlhagise ditlamorago tsa se se diragalang mo setshwantshong.
- Thotloetso go baagi go rotloetsa se se mo setshwantshong.

[50]

**KAROLO YA B: DITLHANGWA TSA TIRISANO****POTSO 2****2.1 LEKWALO LA BOTSALENO**

Lekwalo la botsalano ke le le kwalelwang motho mongwe yo o rileng e ka nna wa losika kgotsa tsala go tlhaeletsana jaaka go leboga, itsise, kopa, keleletsomasego jalojalo. Palo ya mafoko a lona e nne 180-200 diteng fela.

**Dintlha tse di tshwanetseng go elwa tlhoko fa go tshwaiwa lekwalo la botsalano:**

- Lekwalo le, le le lee, ka lona motlhatlhojwa o buisana le balosika, ditsala le bangwe fela ba a ka ne a itsane nabo.
- Go se ka ga nna le diphoso tsa mofuta ofe mo lekwaland le.
- Motlhathhojwa a ka ya lolololo ka dikgang tse a batlang go di tlota.
- A kwale matseno a a ngokang mmuisi go buisa lekwalo le go supa motho yo a mo kwalelang.
- Motlhathhojwa a kwale aterese ya mokwadi fela.

**Se se lebeletsweng go tswa mo motlhatlhojweng:**

- Aterese e le nngwe (ya mokwadi).
- A tlhagise lefelo la kwa gaabo tsala le nako ya go eta.
- A tlhagise se tota se mo itumedisitseng ka tsholo ya bagaabo tsala.
- A tlhagise ditebogo tsa gagwe.
- Bokhutlo e nne jo bo rotloetsang bo le maleba ka se se diragetseng.

[25]

**2.2 LEKWALO LA SEMMUSO**

Lekwalo la semmuso ke le le kwalelwang setheo sengwe se se rileng. Mokwadi o kopa sengwe e ka nna phatlhatiro kgotsa thuso ya mokgwa mongwe: a ka ngongorega, a akgola kgotsa a gomotsa mo maemong a mangwe. Palo ya mafoko a lona e nne 180-200 diteng fela.

**Dintlha tse di tshwanetseng go elwa tlhoko fa go tshwaiwa lekwalo la semmuso:**

- Lekwalo le, le le khutshwane, le na le dintlhakgolo ka ga se se batliwang kgotsa se se kopiwang.
- Ditlhokego tse di farologaneng tsa lekwalo la semmuso di tlhagisiwe ka tlhomamo (popego le setae).
- Diaterese di nne pedi, ya mokwadi le ya moamogedi.
- Leba kgankgolo e e leng maitlhomo a gago.
- Puo e tlhamalale.
- Le supe bokhutlo jo bo tlhamaletseng bo latelwe ke ditlhakaina tsa mokwadi.

**Se se lebeletsweng go tswa mo motlhatlhojweng:**

- Diaterese tse pedi (ya mokwadi le ya moamogedi).
- Setlhogo sa lekwalo le ditumediso di kwalwe.
- Thadiso ya dikgaisano tsa bolotloa.
- A tlhagise tiragatso ya setlhopho sa porofense kwa dikgaisanong.
- A akgole mokatisi ka tiragatso ya setlhopho.
- Bokhutlo e nne jo bo maleba ka se se sololetsweng.
- Tlhagiso ya leina/ditlhakaina le sefane. Dinomoro tsa mogala.

[25]

## 2.3 TSA BOTSHELO JWA MOSWI

Tsa botshelo jwa moswi ke tshedimosetso e e botlalo fela e le khutshwane ka ga botshelo jwa yo o tlhokafetseng. Palo ya mafoko a lona e nne 180-200 diteng fela.

### **Dintlha tse di tshwanetseng go elwa tlhoko fa go tshwaiwa tsa botshelo jwa moswi:**

- Neelana ka tshedimosetso e ntsi ka mo o ka kgonang ka teng fela e nne maleba.
- Tlhagisa tshedimosetso e e tletseng ka dintlha tse di latelang: leina la moswi (o ka tlhagisa leina le moswi a tlwaelegileng ka lona), letlha la matsalo, boemo jwa tsalo, batsadi, boagi, dithutego, tiro, seabe mo setšhabeng (fa go tlhokega), kemo ya nyalo (fa a nyetswe), bana fa ba le teng, sebakwa sa loso, ba a ba tlogelang kwa morago, kgangnyana e badiri ba moepo le ba lelapa ba tlaa ikgopotsang moswi ka yona, leboko la thoriso la gaabo le mafoko a go robatsa moswi.

### **Se se lebeletsweng mo motlhatlhojweng:**

- Setlhogo se nne le maina a moswi ka botlalo.
- Tiriso ya phefofatso.
- Leina la moswi le batsadi ba gagwe.
- O tshotswe leng kwa kae?
- Dikolo tse a di tseneng.
- Maemo a nyalo le bana.
- Tlhagisa le letlha le a tlhokafetseng ka lona le se se bakileng loso.
- Tlhagisa ka boripana dintlha dingwe ka maitemogelo a moswi a ba lelapa le ditsala ba ka mo ikgopotsang ka ona.
- Mafoko a go robatsa moswi ka kagiso.
- Leboko la kgotla ya moswi le tsenngwe.

**ELA TLHOKO:** Morutwana a kwale ka ga moswi e seng motshedi.

**[25]**

## 2.4 PEGELO

Pegelo e kwalelwaa setheo se se rileng, motlhatlhojwa o neelana ka diphitlhelelo le dikatlanegiso tsa se a neng a laetswe go se dira. Palo ya mafoko a lona e nne 180-200 diteng fela.

### **Dintlha tse di tshwanetseng go elwa tlhoko fa go tshwaiwa pegelo:**

- Leina la setheo, moromedi le moamogedi di tlhagisiwe.
- Setlhogo sa pegelo se bolele ka botlalo gore go begwa ka ga eng.
- E kwalwa ka pakapheti.
- Motlhatlhojwa a tlhagise diphitlhelelo le dikatlanegiso.
- Motlhatlhojwa a saene, a supe tiro kgotsa maemo a gagwe le letlha le a kwadileng pegelo ka lona.

**Se se lebeletsweng mo motlhatlhøjweng:**

- Setlhogo se kwalwe.
- Motlhatlhøjwa a tlhagise kopo ya go batlisisa a bo a bege dipuisano tsa gagwe le mong wa setheo se se rekisang matlo.
- Tlhagisa diphitlhelelo go tswa mo dipatlisisong.
- Neelana ka dikatlanegiso tsa gore go ka dirwang go siamisa diphoso tse di mo matlong le tswelelo ya go rekisa a mangwe.
- Bokhutlo e nne jo bo sololetsweng.

**[25]****2.5 ATHIKELE YA LOKWALODIKGANG**

Athikele ya lokwalodikgang ke karolwana ya lokwalodikgang e batho ba kwalang dikgang dingwe kgotsa ba bega sengwe gore se buisiwe ke botlhe. Palo ya mafoko a lona e nne 180-200 diteng fela.

**Dintlha tse di tshwanetseng go elwa tlhoko fa go tshwaiwa athikele ya lokwalodikgang:**

- Neelana ka setlhogo se se bonalang sentle o bo o tsenye ditlhogwana tse di tlhaloganyegang sentle.
- Motlhatlhøjwa o na le kgololosego ya bobegakgang.
- O patelesega gore kgang ya gagwe e ngokele, mme e sa nyeletse bonnete jwa kgang.
- Simolola ka dintlha tse di botlhokwa thata: mang, jang, leng, kae, goreng le go fitlhelela kae.
- Dintlha di tlhagisiwe ka boripana le ka tsepamo.
- Mokwadi a leke go tlhaeletsana ka mokgwa wa go sa latlhe mooko wa kgang mme o fitlhelela mmuisi.
- Sobokanya ka tsepamo kwa ntle le go fitlha boammaaruri.
- Leina la mmegakgang le tlhagisiwe kwa tshimologong ya athikele.

**Se se lebeletsweng mo motlhatlhøjweng:**

- Setlhogo e nne se se ngokang, se na le kgogedi.
- Mo temaneng ya ntlha a sobokane dilo tse di diragetseng.
- A bolele mofuta wa bosenyi, ke mang yo o sentseng/ yo o senyang? kae? leng? jang?
- A tlhagise maikutlo a a renang mabapi le bosenyi.
- A tlhagise ditlamorago tsa bosenyi jo bo diragalang.
- A dirise mafoko a a ngokang kgatlhego.

**[25]**

## 2.6 POTSOTHERISANO

Potsotherisano ke kopano e e rulaganeng e mo go yona go nang le yo o bodiwang dipotso go fitlhelela tshedimosetso ka sengwe se se rileng. Potsotherisano ke mokgwa o o dirisiwang gantsi go batla tshedimosetso mo go mongwe ka ga sengwe se a se dirang. Palo ya mafoko e nne 180-200 diteng fela.

**Dintlha tse di tshwanetseng go elwa tlhoko fa go tshwaiwa potsotherisano:**

- Setlhogo se supe gore potsotherisano ke ka ga eng.
- Kagego e nne ya mmuisano.
- Maina a dibui a tshwanetse go tlhagelela sentle.
- Batlisisa ka ga motsenela-potsotherisano ka go mmotsa dipotso.
- Dipotso di nne dikhutshwane mme dikarabo tsa motsenela-potsotherisano di ka nama.

**Se se lebeletsweng mo motlhathojweng:**

- Botsa dintlha ka botlalo ka ga tiro e e neilweng setheo.
- Naya dikarabo tsa motsenela-potsotherisano morago ga potso nngwe le nngwe.
- A tlhagise mmuisano le motsamaisi wa setheo mabapi le go thapiwa ga batho, nako ya go simolola tiro le go e fetsa.
- A go nne le kelelo ya dipotso le dikarabo.
- Bokhutlo e nne jo bo maleba ka se se sololetsweng.

[25]

|                                   |            |
|-----------------------------------|------------|
| <b>PALOGOTLHE YA KAROLO YA B:</b> | <b>50</b>  |
| <b>PALOGOTLHE:</b>                | <b>100</b> |